

10 de Diciembre 1948 na'a hua'ano'sa' niyontonpi. Nisha nisha Copirno'sari a'parin ninontacaiso marë'. Ya'ipi piyapi'sa' noya ya huëina', ta'caiso marë' ninontopi. Ninontohuachinara, iso quirica ninshitopi. -Nisha nisha nananquë ninshitoco'. Ya'ipi parti a'paco' ya'ipi piyapi nitotacaiso marë' topi. Piyapi niyontonpachina, sha 'huichina'. Escuelarn'saquë a 'chinchina', topi.

COPIRNORO'SA' NAPORINSOPITA YA'IPI PIYAPI NOYA YA'HUËCAISO MARË'

SHA'HUICHINQUËMA'

Ya'ipi piyapi'sa' noya ya'huëina'. Ama incari tëranta' topinan quëran ana'inchinasohuë'. Ina quëran ya'ipi parti noya nini'têhua' ya'huërêhua huachi.

A 'naquën piyapi 'sa' co nosorohuachinahuë', chiniquen aparësitopi. A'na tahuëri tēpapi. Inaso' pa'pi co noyahuë' tēnhua'. Nonpiso marë', yonquipiso marë' Co ana'intacaso' ya'huërinhuë'. Naporahuatón, ya'ipi piyapi ma'sha ya'huëchina' Co nohuantêrêhuahuë' a nayanquênpoatêranta' pahuantínpoaso.

Ya'ipi Copirnoros'a' noya hua'anëntinpoaso' ya 'huërin. Ama topinan quëran ana'inchinpoasohuë'. Topinan quëran aparësitohuachinpoara, a'naquën chiniquën no'huihuachina yaahuëtópi. Ina quëran a'na copirno acopi huachi.

Ya'ipi Copirnoros'a' noya nini'tona' ya'huëina'. Ama nino'huiatonahuë', ama quira niinasohuë', tēnhua'. Ya'nan niyontónêhuaso' ninshitêrêhua'. -Ya'ipi piyapi 'sa' noya ya'huëina', tēnhua'. Quëmapi'sa', sanapiro'santa' napopianachin Copirnoros'sari noya niina'. Ya'ipi piyapi'sa' catahua'hua' noya noya ya'huëcaiso marë', tēnhua'.

Ya'ipinpoa' nani chinotêrêhua' piyapi'sa' catahuahuaso'. Ya'ipinpoa' noya nini 'têhua', ya'huëa'hua', ta'têhua', nanan a'pa'hua' piyapi'sa' noya ya'huëcaiso marë'.

Napoaton iso quirica ninshitêrêhua' ya'ipi piyapi'sa' nitotacaiso marë'.

HUA'ANO'SACOI NIYONTONPATOIRA

sha'huitërai

YA'IPI PIYAPI'SA' NOYA YA'HUËINA' TËNËHUA'. Ya'ipi opirnoros'a' inapochachi yonquiina'. Ya 'ipi escuelaro'saquë a 'chinchina'. Mashoro'santa' anitotacaiso' ya'huërin. Ina quëran ya'ipinpoa' nitotohuatêhua', nicatahua'hua' noya noya nini'têhua' ya'huëcaiso marë

1.

Ya'ipi piyapinpoa' capini noya ninosorocaso' ya'huërin. Ya'ipinpoa' yonquirêhua'. Noya nicacaso' nitotêrêhua'. Napoaton iyanpoa pochin ninosorocaso' ya 'huërin.

2.

Ya'ipi piyapi napopianachin noya ninia'hua'. Nisha nisha nirihuarahuënta' ninosorocaso' ya'huërin. Nisha nisha nananquë nonêhua'. Nisha nisha imarêhua'. A 'naquênpoa' yaron, a 'naquênpoa' huiriton, a 'naquênpoa' quëmapinpoa', a'naquênpoa' sanapinpoa'. A 'naquênpoa' ma 'huano 'sanpoa', a 'naquênpoa' Co na 'a ma'sha ya'huëtêrinpoahuë'.

Nisha nisha nirihuarahuënta' ninosorocaso' ya'huërin. Nisha nisha hua'anëntêrinquë ya'huëpirêhuahuë', napopianachin nini'têhua', ya'huëa'hua'.

3.

Co topinan quëran tēpacaso' ya'huërinhuë'. Co topinan quëran tashinan pëiquë po 'mocasó' ya'huërinhuë'.

4.

Co piyapinpoa' nipa'anacaso' ya'huërinhuë'. Co topinan quëran asacatacaso ya'huërinhuë'. Piyapi inaora nohuantón sacachina'. Co sacatacaiso' nohuantohuachinahuë', ama sacachinasohuë'.

5.

Ama topinan quëran ana 'inchinsohuë'. Ama topinan quëran chiniquën aparësichinsohuë'.

6.

Ya'ipi copirnoros'a' no'têquën sha'huitacaso' ya'huërin. Nisha nisha piyapi nipirinhue' napopianachin ninosorocaso' ya'huërin, tēnhua'.

7.

Copirnoros'a' no'têquën hua'anëchina'. Ya'ipi piyapi napopianachin noya ni 'ina'. Napopianachin a'paiina'. Ama topinan quëran ana'inchinsohuë'.

8.

A 'napitari topinan quëran aparësitohuachinpoa', coisëquë sha'huitacaso' ya'huërin. No'tëquën ana 'inchin.

9.

Co topinan quëran tashinan pëiquë po'mocaso ya'huërinhuë'. Co topinan quëran a'na parti a'pacaso ya'huërinhuë'.

10.

A'napita sha'huirapihuachinpoa', Co topinan quëran ana'intacaso' ya'huërinhuë'. Coisë noya natanchin. Ina quëran no'tëquën sha'huichin. Ya'ipinpoa' napopianachin niconpoa', no 'tëquën sha 'huitinpoaso' ya'huërin.

11.

A'na piyapi sha'huirapihuachinpoa', Co a'naroachin ana 'intinpoaso' ya'huërinhuë'. Co nimara naporinhuë', ta'ton, coisë nóya natainpoa'. Ina quëran oshaquëran yonquiina'. Tëhuëenchachi nitotaquë huarë' ana'intacaso' ya'huërin. Co tëhuëenchachi nitotohuachinhuë', ama ana'inchinsohuë'.

Copirno nani pënënpachinpoa', no'tëquën ana 'intërinpoa'. Co pënënpachinpoahuë', Co ana 'intinpoaso' ya 'huërinhuë'. Nasha pënënpachinpoa', natëcaso' ya'huërin. Iraca Co pënënpachinpoarahué', Co natëpatëhuahuë', Co ina arë' ana 'intinpoaso' ya 'huërinhuë'. Nani sha 'huitohuachinpoa', Co aquëtë ana'intinpoaso' ya'huërinhuë'.

12.

Co ma'shanënpoa' niihuacaso' ya'huërinhuë'. Co ninshitërehuaso' nisë 'huatacaso' ya'huërinhuë'. Co pinoinpoaso' ya 'huërinhuë'. Inapo 'tohuachinpoa', coisëri ana'inchin.

13.

Ya'huërehua quëran insëquësona yapa patëra, noya paacaso' ya'huërin.

A'na hua'an quëran yapipihuatëra, noya pipicaso'. Ya'huërehuaso parti yahuënantohuatëra, noya huëantacaso.

14.

Copirno topinan quëran no'huihuachinpoa', yata'ahuatëhua', noya ta'acaso' ya'huërin a'na parti ya'huëcasomarë'.

Nipirinhue' Co noyahuë' nipatëhua', no'tëquën ana 'intacaso' ya 'huërin, Co ta 'acaso' ya 'huërinhuë'.

15.

Ya'ipinpoa' nisha nisha Copirno ya'huëtërinpoa'. Ina catahuainpoaso' ya'huërin.

Co topinan quëran a'painpoaso' ya'huërinhuë'. Nipirinhue' a'na hua'anquë yaya'conpachina, tananpichin pa'in.

16.

Quëmapi mashotohuachina, noya sa'acaso'. Nisha sanapi yamapachina inanta' noya tënëhua'. Nisha religion imarino' mapachina, Co ina marë' copirnorin nitërinhuë' ana'intacaso'. sanapinta' payatohuachina, noya so'yacaso'. Nisha piyapi niponahuë', noya macacaso'. Quëmapi'sa', sanapi'santa' ma'sona nohuantohuachina, napoina.

Sanapi Co nohuantohuachinhuë', Co so'yatacaso' ya huërinhuë'. Quëmapinta' Co nohuantohuachinhuë', Co ma'caso' ya'huërinhuë'.

A'na quëmapi, sa'in, hui'ninpitarechachi a'na huëntonaca' ninin. Noya ya'huëina'. Noya ya'huëcaso' Copirnorin catahuain.

17.

No'pa', ma'sha, inapita hua'anëntacaso ya'huërin. A'naquen inaora no'pa' hua'anëntërin. A'nanta' ya'ipi huënton no panën hua'anëntopi. Cato chachí noya.

No'panën hua 'anëntohuachina', Co incaritërantana nitënnhuë' ocoicaso.

18.

Yonquirëhuaso marë' Co Copirno no'huiinpoaso ya'huërinhuë'. Religion imarëhuaso marënta' Co Copirno no'huiinpoaso' ya 'huërinhuë'. Nisha yaimapatëhua,, Co ina marë' aparësitinpoaso' ya'huërinhuë'. Yosë chinotacaso marë' niyontonpatëhua', Co ina marë' Copirno ana'intinpoaso' ya'huërinhuë'.

19.

Ma'sona tēranta' yonquihuatēhua', a'napita yaa'chintohuatēhua', Co ina marē' Copirno ana'intinpoaso' ya 'huērinhue'. Nanan a 'parēso marēnta' noya, quiricaquēhuē nipon, natioquēhuē nipon, noya a'parē', natanē'. Ya'ipi parti inapotērē' noya natanacaiso marē'.

20.

Piyapi yaniyontonpachina, niyontoina'. Noya niyontonacaiso' nipirinhue' Co niahuēcaiso marēhuē' niyontoina'.

- Quiya pochin natēco' ana'intochinquēma', itohuachinpoa', Co nohuantohuatēhuahuē', Co imacaso ya'huērinhue.

21.

Ya'ipi piyapi hua'ano'sa' huayonacaso' ya'huērin. Nisha nisha ninano quēran huayonin. Inapita hua 'anētērinpoa'.

Ya'ipi piyapi nanitērin ma'sha pa'anacaso'. Pahuērētohuachina, ya'ipi piyapi nanitērin ma'shaquē pacacaso . Camionquē, avionquē, nanchaquē, inapitaquē nanitopi pacacaiso'. Napopianachin Copirno sirihuirinpoa'.

Ya'ipi piyapi Copirno huayoina'. Hua'ano'santa huayoina'. Catapini pi'ipi catapiní pi ipi quēran pochin huayoina'. Ya'ipi piyapi inahuara ninshitapi huayonacaiso mare.

22.

Piyapi sacatohuachina, no'tēquēn pahuērētacaso' ya'huērin. Co sacatacaso' nanitohuachinhue', pi'pian pi 'pian catahuacaso' ya 'huērin. Copirno nanitohuachina, coriqui, ma'sha inapita quētacaso' ya'huērin. Co insonta' pahuantacaso' nohuantērēhuahuē'.

23.

Piyapi yasacatohuachina, sacachina'. Ma sacatosona yanipachina, inaquē sacachina'. Asacatērinsoyapi piyapinēnpita nosoroina'. Ama chini chin iquēn asacachinsohuē'. Sacato ya'huēhuachina, asacachina.

No 'tēquēn pahuērētacaso' ya 'huērin. Inachachi sacatohuachina, inachachi pahuērētērē'. Nisha nisha piyapi nipirinhue', inachachi pahuērēcaso' ya'huērin.

No'tēquēn pahuērētacaso' ya'huērin. Noya nanpicaiso marē' pahuērēchina'. Pahuantohuachina, a'napita catahuacaso' ya'huērin.

Co noyahuē' pahuērēhuachina', sacatoro sa' nanitērin niyontonacaiso . Ninontohuachina', a'na' acorin hua'an nontacaso mare. -Noya nosorocoi, no'tēquēn pahuērēcói, itohuachina, nataina', no'tēquēn pahuērēchina'.

24.

Co nani tahuēri asacatacaso' ya'huērinhue'. Chinotacasonta' ya'huērin. Pita tahuēri Co sacatopirinahuē', pahuērēcaso' ya'huērin.

25.

Noya sacatohuachina, noya pahuērēcaso' ya'huērin. Ya'ipi piyapi cosharo', pei ,nimirio, coton inapita nohuantopi. Co nohuantērēhuahuē' piyapi 'sa' pahuantacaiso'. Caniohuachina, Co nanitērinhuē' sacatacaso'. Mashoro'sa', quēyorono'sa' inapita Co nanitopihuē' aquētē' canacaiso'. Napoaton inapita catahuacaso' ya'huērin.

Sanapi hua'huanpachina, hua'huinēchachi a'napitari catahuaina'. Hua 'hua ma'patērinsoyapi catahuaina'. Hua'huaro'sa' pahuantohuachina, Copirno pi'pian pi 'pian catahuaina'.

26.

Copirnorio escuelaro'sa' ya'ipi parti acoina'. Ya'ipi hua'huaro'sa' escuela imacaiso' ya'huērin. Primaria imacaiso marē' ama pahuērēchinasohuē'. Secundaria, escuela ocupacional inapita acocaso' ya'huērin. Inapita yaya'conpachina examen noya pipihuachina, noya ya'coina.

Ya'ipi maistororo'sa' noya a'chinchina' hua'huaro'sa' noya noya yonquicaiso marē'. Ina quēran Co aquētē nino'huipihuē'. Noya noya ninosorohuachina, Co a 'napita nocanapihuē'. Naporahuaton, ya 'ipinpoa' noya nini 'tēhua' ya huēa'hua huachi. Ina na'con nohuantērēhua'.

Pa'pin, a'shin nohuanton, hui'ninpita escuelaquē ya coina'. Ama a'na piyapiri nisha escuelaquē po moinsohuē'.

27.

Ninanoquē niyontonpi ma'sha nitotacaiso marē'. A 'naquēn quirica ninshitērin, a 'naquēn musica pi 'nirarin, a'naquēn nonanpiso' pashitarin. Inapita nitotacaso marē' niyontonpachina, a'napita nohuantohuachina, pa'ina', noya nataina

Nipro ninshitohuatēhua', hua'anētērēhua'. Inapochachi nonanpiso', nitērata inapita pochin nipatēhua', hua'anētērēhua'. Co inapita marē' a'napitari canacaso ya'huērinhue'.

28.

Ya'ipi parti noya nini'tēhua', ya'huēa'hua'. Ya'ipi Copirnoros' piyapinēnpita catahuaina' noya ya'huēcaiso mare

29.

Co insonta' inaora ya'huērinhue'. Ya'ipi piyapinpoa' noya ya'huēcaiso' nohuantohuatēhua', noya ninosorocaso' ya'huērinhue'. Nicatahuacaso' ya'huērinhue'.

Copirnoros' pēnēninpoa' Co nino'huicaso marēhue', Co niahuēcaso marēhue'. Noya nicatahuacaso marē' pēnēninpoa'. Ina pochin nipatēhua', Co topinan quēran ana'intinpoaso' ya'huērinhue'.

Na'con yonquirai ya'ipi piyapi'sa' noya ya'huēcaiso marē'. Nisha yonquicaiso', nisha a'chintajaiso' Co nohuantēraihue'. Ya'ipi noya nini'tēhua', noya noya ya'huēa'hua', tenehua'.

30.

Nani ya 'ipi hua 'ano'sacoi, Copirno acorincoisopita pēnēnainquēma'. Ama nisha yonquicosohue'. No'tēquēn natēcoi, ya 'ipinpoa' noya nini 'tēhua', noya ya 'huēa'hua'.